



## Universitätsbibliothek Paderborn

**Disputationes|| ROBERTI BELLAR-||MINI E SOCIETATE  
IESV,|| DE CONTROVERSIIS CHRISTIANAE|| FIDEI,  
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS  
EX-||PLICATA.||

**Bellarmino, Roberto Francesco Romolo <Heiliger>**

**Ingolstadii, [1599]**

**VD16 B 1607**

V. Episcopalem Ordinationem Sacrame[n]tum esse.

[urn:nbn:de:hbz:466:1-54104](https://nbn-resolving.de/urn/resolver.pl?urn=urn:nbn:de:hbz:466:1-54104)

C A P V T Q V A R T V M.

*Idem ostenditur ratione.*

**S**CE DAT etiam congruentia rationis. Deus enim cuius perfecta sunt opera, Deuter. 32. cum dat potestatem, dat etiam ea, quae requiruntur ad eius legitimum, & congruentem vium. Id videmus in rebus naturalibus, quibus Deus non tantum potentias operatiuas dedit, sed etiam certas qualitates, & instrumenta, quibus expeditè, & rectè illis utantur. In Ordinatione autem sacra datur homini potestas conficiendi, & ministrandi Sacraenta; quae certè à peccatore rectè exerceri non potest. Dabit igitur Deus simul cum ea potestate, etiam gratiam iustificantem, & perficiensem animam, ut ritè fungatur tanto ministerio. P R A E T E R E A, si in Baptismo, in quo datur potestas suscipiendi Eucharistiam, & alia Sacraenta, datur simul cum ea potestate gratia gratum faciens, quia sine ea non rectè percipiuntur Sacraenta cetera: cur in Sacramento Ordinis, in quo datur potestas conferendi Sacraenta, non simul etiam dabitur gratia gratum faciens, cum non minus peccatum sit homini indigno Sacramento tradere, quam accipere? Quod si in hoc Sacramento datur gratia gratum faciens, certè Sacramentum erit verè, ac propriè dictum: omnis enim cæremonia instituta ad sanctificandum, Sacramentum est propriè dictum.

Accedat V L T I M O, quod aduersarij nihil habent, quod obiciant, nisi argumenta illa negativa, & leuia, quæ nos supra dissoluimus.

C A P V T Q V I N T V M.

*Episcopalem Ordinationem Sacramentum esse.*

**S**EQUITVR SECUNDA quæstio; Quinam Ordines sint Sacraenta. Septem esse Ordines demonstrauimus in primo libro de Clericis; vide licet Sacerdotū, Diaconorum, Subdiaconorum, Acoluthorum, Exorcistarum, Lectorum, & Ostiariorum, Ex quibus Ordo Sacerdotum duplex est: sunt enim alij maiores

iores Sacerdotes, id est, Episcopi, alij minores, id est, Presbiteri. Ex his autem, conuenit inter omnes Catholicos, Ordinem Presbyterorum esse verè, ac propriè Sacramentum, de aliis non omnino conuenit. Dicam igitur de singulis, quid verius, ac probabilius videatur.

Ac PRIMVM Ordinatio Episcopalis, Sacramentum est verè ac propriè dictum. Hæc sententia etiam si à quibusdam veteribus Scholasticis negetur; in 4. dist. 24. & ex recentioribus à Dominico à Soto. lib. 10. de iustitia, & iure, quest. 1. att. 2 & in 4. distin. 24. quest. 2. art. 3. tamen asseritur ab omnibus antiquis Patribus; & ex recentioribus à Petro Soto, lect. 4. de Sacramento Ordinis in institutione Sacerdotum, & a Caietano, tomo 1. opusc. 11. necnon ab antiquis nonnullis Scholasticis, vt Altisiodorensi, 4. parte summa Theologicæ, Ioan. Maiori. Scoto, Durando, & Paludano in 4. distinct. 24. licet Durandus idem Sacramentum esse velit cum Sacramento presbyteratus. Denique ab omnibus penè Canonistis, in cap. Cleros, dist. 21. & caput Perfectis, dist. 23.

Mihi verò posita assertio certissima videtur. PRIMO. quia Scripturæ quibus Catholici probant, Ordinationem esse Sacramentum, de Ordinatione Episcopali intelliguntur, vt patet ex 1. Timoth. 4. & 2. Timoth. 1. in his enim solis locis disertè ponitur symbolum externum cum promissione gratiæ. In his autem locis agitur de Ordinatione Timothei, qui Episcopus fuit à Paulo creatus, vt omnes interpres docent. pars ratione, Actor. 13. agitur de Ordinatione Episcopali Pauli, & Barnabæ. Quare si Ordinatio Episcopalis non est Sacramentum, non possumus ex Scripturis aperte probare, Ordinationem esse Sacramentum.

SECUNDO, testimonia allata, Leonis; Gregorij, Dionysij, Martyrij; Chrysostomi, Ambrosij, Hieronymi, Augustini, Theodoreti, de solis Episcopis intelliguntur. Veteres enim nomine Sacerdotis absolute Episcopum intelligebant; vnde Ambrosius librum inscribit de dignitate Sacerdotali, & Chrysostomus libros de Sacerdotio, cùm tamen uterque de solis Episcopis agat. Itaque amittimus etiam loca Patrum pro controversia principali, si Episcopalis Ordinatio non est Sacramentum.

TERTIO, Episcopalis Ordinatio est cæmeronia in pri-

mens

mens characterem spiritualem, & conferens gratiam; ergo est verissimum Sacramentum. Probatur antecedens; ac PRIMVM de charactere, ex eo, quod Episcopalis Ordinatio, non potest repeti. Et PRÆTEREA, Episcopus potest duo Sacra-menta conferre; nimirum Confirmationem, & Ordines sa-cros, quæ non possunt ulli alij Ordines inferiores conferre: & si tentent id facere, nihil prorsus efficiunt; Ergo habet Episcopus ex sua Ordinatione spiritualem potestatem, & proinde nouum characterem.

Dicent, non esse opus novo charactere, sed satis esse si ex-tendatur character presbyteralis. Sed aut volunt re ipsa ex-tendi characterem illum, aut solùm significatione, quod vi-delicit in Episcopo signum sit plurium potestatum, in Pres-bytero pauciorum. Si dixerint PRIMVM, eandem vim ha-bebit argumentum nostrum: nam eadem efficacia requiri-tur ad characterem re ipsa extendendum, & ad imprimen-dum nouum, proinde cæremonia, quæ habet effectum istum spiritualem, & supernaturalem, id est, realem extensionem characteris, sine dubio Sacramentum erit. Si dixerint SECUNDVM, facile reuincentur. Nam licet character non agat re ipsa, sed sit solum signum pacti Dei cum homine, de concurso diuino in actionibus illis Sacramentalibus: ta-men hoc signum reale est, & ideo sicut ubi est spiritualis po-testas, colligimus realem esse in anima characterem; ita quo-que ubi est additio nouæ potestatis, oportet colligere realem additionem characteris, aut nouum characterem, quod est probabilius.

DENIQUE magis distant inter se potestas confirmandi, & consecrandi Eucharistiam, quam potestas legendi Eu-an-gelium, & Epistolam in sacrificio. Sed propter ista ponun-tur ab aduersariis duo disticti characteres in Diacono, & Subdiacono, nec dicunt unum extendi; cur igitur nolunt esse duos in Presbytero, & Episcopo?

Iam quod Episcopalis consecratio conferat gratiam, probatur manifestissimo arguento: nam ideo probant Theologi in Ordinatione presbyterali dari gratiam, quia debet presbyter quædam Sacra menta ministrare, quæ sine gratia non dignè ministrantur. Episcopus autem debet quædam etiam Sacra menta ministrare. Sacramentum vi-deciles

delicet Confirmationis, & Ordinis, quæ sine gratia non digne ministrantur.

**D**E NIQVE, mirabile est, quod velint aliqui ad officium Diaconi, & Subdiaconi requiri nouam gratiam, & ideo illas Ordinationes esse Sacra menta; & ad officium Episcopi, quod est sine villa comparatione difficultius, & excellentius, nolint gratiam requiri. Confirmatur hæc ratio dupl iciter. **P**RIMO, ex ipso ritu consecrationis Episcopi. In nulla enim Ordinatione adhibetur tanta solennitas, quanta in Ordinatione Episcopi; ibi est impositio manus, ibi vncio, ibi plurima alia: non est autem credibile tot Sacramentalia instituta, ubi nullum sit Sacramentum. **S**ECUNDО, quia si Episcopatus sit Sacramentum à presbyteratu distinctum, facile erit defendere Episcopū iure diuino maiorem esse presbytero, tam ordine quam iurisdictione; quod hoc tempore omnes hæretici negant: alioqui ægrè id defendi poterit.

Neque rationes quæ contrà obiici solent, conuincent. **P**RIMO obiiciunt: *Episcopatus non est Ordo nouus, alioquin Ordines essent plures quam septem. Si autem non nouus Ordo, certè nec nouum Sacramentum: nam si Sacramentum esset, esset utique Sacramentum Ordinis.*

**R**ESPONDEO, Episcopatum esse Ordinem unum cum presbyteratu, sed genere, non specie: Ordines enim sumuntur ab habitudine quam habent ad Eucharistiam; & quia summa circa Eucharistiam est potestas ipsam conficiendi, ideo primus Ordo est sacerdotalis, id est, eorum qui Eucharistiam consecrare possunt: nec supra hunc potest fangi aliis Ordo maior, vel superior. Qui atamen hanc potestatem vario modo participant Presbyteri, & Episcopi, inde sunt duæ species sacerdotum. Presbyteri in consecranda Eucharistia, saltem quoad vsum, pendent ab Episcopis, qui possunt eis interdicere ne consecrent, vel suspendere ad tempus, vel præcipere, ut tali loco, tali modo, tali tempore celebrent. Et præterea presbyteri non ita habent hanc potestatem, ut eam aliis communicare possint: Episcopi autem, & habent, & communicare aliis possunt.

**D**ICAS, non videtur id esse verum; nam Episcopus ex sua consecratione non habet, ut possit Eucharistiam consecrare, sed solum ut possit confirmare, & ordinare: non igitur con-

uenit

uenit genere cum presbyteratu, sed est alia res diuersissima.

**R E S P O N D E O**, Episcopatum includere in sua ratione, & essentia sacerdotium, loquendo de potestate Ordinis, de qua sola hic loquimur. Non enim potest intelligi Episcopus, qui non sit Sacerdos, cum nihil sit aliud Episcopus, nisi summus, seu primus Sacerdos: sicut Papatus includit intrinsecè, & essentialiter Episcopatum, licet multa superaddat. Hinc autem sequitur, ut Episcopalis Ordinatio integra consurgat ex duplice Ordinatione, & character Episcopalis integer, & perfectus, non sit una simplex qualitas, sed quid compositum ex duplice charactere: proinde etiam duo Sacraenta requiruntur ad Episcopum constituendum.

Itaque ad argumentum **R E S P O N D E O**, Episcopum non habere, ut possit consecrare Eucharistiam, ex suavissima Ordinatione, tamen id habere ex alia Ordinatione praecedente, quæ est etiam de essentia Episcopatus. Sicut homo non habet ex differentia sua specifica, ut sit sensibilis, tamen id habet ex genere suo, proinde ex natura sua, quæ ex genere, & differentia constat.

Atque hinc soluuntur omnia alia argumenta, quæ Sotus, & alij multiplicant. Est enim **S E C V N D V M** eorum argumentum eiusmodi: *Si Episcopatus esset Sacramentum, sequeretur posse aliquem ordinari Episcopum, qui non esset presbyter; & posse illum sic ordinatum consecrare Eucharistiam;* quorum virumque est falsum ex communis sententia. **P R I M V M** probant, quia unus Ordo non pendet ab alio, ut patet: quia si quis ordinetur presbyter, qui antea non fuerit Diaconus, ille est verè ordinatus. **S E C V N D V M** probant, quia semper Ordo inferior continetur in superiori, saltem in virtute: posset enim presbyter fungi munere Diaconi, etiam si Ordinem Diaconi non haberet.

**R E S P O N D E O**, nihil eorum sequi. Nam impossibile est ordinari Episcopum, qui vel antea non sit presbyter, vel certè non tunc simul accipiat utramque Ordinationem; quia ut dixi, utraque est de essentia Episcopatus. Nec est verum, unum Ordinem non pendere ab alio, nisi in iis, quorum unus non est de essentia alterius: nec valet similitudo Diaconi, & Presbyteri, quia presbyteratus non includit essentialiter Diaconatum, sicut Episcopatus includit presbyteratum. Par ratione

D D                      non

non sequitur, posse Episcopum, qui non sit presbyter, conlocare Eucharistiam: non enim Episcopatus sine presbyteratu, est Ordo superior, immo nihil est in re, sed merum figuratum in mente, quomodo Archiepiscopus, qui non sit Episcopus, vel rationale quod non sit animal.

**T**ERTIVM argumentum, si Episcopalis ordinatio est Sacramentum, characterem certè imprimit; vel ergo is character est maior presbyterali, vel non: si maior, ergo est aliquid maius potestate consecrandi Eucharistiam, quod omnes negant; & præterea hinc sequeretur, esse ordinem aliquem altiorem sacerdotali, qui iam deberet numerari octauus: si non est maior, ergo Episcopus, ut Episcopus, non est maior presbytero, sed æqualis, vel potius minor, quia nullus character est æqualis sacerdotali.

**R**E S P O N D E O, characterem Episcopalem integrum & perfectum, esse maiorem presbyterali, quia illum includit, & unum præterea aliud, ut diximus: & hoc modo comparamus Episcopos cum Presbyteris, cum dicimus alias esse superiores, alias inferiores: si tamen quis conferat characterem quem habet Episcopus ex ultima sua consecratione, cum charactere, que in habet ex Ordinatione presbyterali; tunc iste est maior intensius, quia summa potestas est, posse consecrare Eucharistiam: ille est maior extensius, quia ad plurale extendit. Sed de his fatis.

### C A P V T S E X T V M.

#### Diaconatum esse verum Sacramentum.

**D**O RRO de Diaconis, valde probabile est, eorum Ordinationem Sacramentum esse, licet id non sit certum ex fide. Quod non sit certum ex fide, patet, quia non potest id evidenter deduci ex verbo Descriptio, vel tradito: neque existat illa Ecclesiarum expressa determinatio.

Quod autem id sit valde probabile, PRIMO probatur ex communione sententia Theologorum: solus enim videtur esse Durandus, qui assertit solum sacerdotium esse Sacramentum Ordinis, in 4. dist. 24. quest. 2. cum Caietano, tomo i. opusc. tract. II.

SIC VEN.